

- b. Hvers konar vísindaleg rannsóknastarfsemi, hvort heldur er á sviði hugvísinda eða raunvísinda.
- c. Hvers konar viðurkennd líknarstarfsemi. Hér til telst m.a. bygging og rekstur sjúkrahúsa, heilsugæslustöðva, elliheimila, vöggustofa, barnaheimila, stofnana fyrir drykkjusjúklinga og lamaða og fatlaða og annarra hliðstæðra stofnana. Hér til teljast enn fremur slysavarnir á landi, sjó og í lofti.
- d. Starfsemi Þjóðkirkjunnar og annarra opinberlega viðurkenndra trúarfélaga, er söfnuði hafa hér á landi, starfsemi deilda innan slíkra safnaða, svo og hver önnur viðurkennd kirkjuleg starfsemi.

3. gr.

Á móttökukvittun, sbr. 1. gr. reglugerðar þessarar, skal koma fram nafn og heimili gefanda, hver gjöfin sé og hvert sé verðmæti hennar. Tekið skal fram að um gjöf sé að ræða og fjárhæðin skal tilgreind í bókstöfum og tölustöfum.

4. gr.

Aðilum sem gefa út móttökukvittanir, sbr. 1. gr. þessarar reglugerðar, skal skylt að senda skattyfirvöldum ársreikninga ásamt lögum, reglugerð eða skipulagsskrá yfir starfsemi sína, sé um það beðið.

5. gr.

Reglugerð þessi, sem sett er samkvæmt heimild í 3. mgr. 1. tölul. 1. mgr. 31. gr. og 119. gr. laga nr. 75/1981, um tekjuskatt og eignarskatt, öðlast gildi 1. janúar 1988. Jafnframt er felld úr gildi reglugerð nr. 748/1983 frá og með 1. janúar 1988.

Fjármálaráðuneytið, 30. desember 1987.

F.h.r.

Sigurgeir Jónsson.

Indriði H. Þorláksson.

REGLUGERÐ

um innheimtu framleiðslugjalds af afurðum sauðfjár umfram verð- ábyrgð ríkissjóðs á verðlagsárinu 1986—87.

1. gr.

Til að framleiðendur sauðfjárafurða fái sama verð fyrir þann hluta framleiðslu sinnar, sem er umfram það magn sem þeim er tryggt fullt verð fyrir með samningi ríkisstjórnarinnar við Stéttarsamband bænda, sbr. a lið 30. gr. 1. nr. 46/1985 og það magn sem Framleiðnisjóður landbúnaðarins tók verðábyrgð á að hluta eða öllu leyti, skal á verðlagsárinu 1986/87 innheimta framleiðslugjald af þeim hluta innlagðra sauðfjárafurða, sem er umfram verðábyrgð ríkissjóðs. Undanþegin framleiðslugjaldi eru þó 180 tonn kindakjöts ásamt tilsvarendi innmat, sem Framleiðnisjóður landbúnaðarins hefur aflétt verðskerðingu á skv. samþykktum stjórnar sjóðsins.

Framleiðslugjald þetta skal ekki hafa áhrif á útsöluverð sauðfjárafurða til neytenda.

2. gr.

Það framleiðslugjald sem sláturleyfishafar skulu standa skil á til Framleiðsluráðs landbúnaðarins skal annars vegar nema fullu afurðaverði kjöts og sláturs dilka og geldfjár í úrvalsverðflokk til og með þriðja verðflokk og hins vegar fullu afurðaverði kjöts í fjórða til sjötta verðflokk sv. verðlagsgrundvelli sauðfjárafurða 1. september 1986.

3. gr.

Gjald það sem hverju búmarkssvæði og hverjum framleiðanda er gert að greiða skal reikna þannig:

1. Reikna skal hvort og þá hve mikið framleiðsla sauðfjárafurða á hverju svæði hefur farið umfram það magn sem tryggt er fullt verð fyrir með samningi ríkisstjórnarinnar við Stéttarsamband bænda. Hafi sami framleiðandi lagt inn sauðfjárafurðir hjá fleiri en einni afurðastöð skiptist framleiðsla hans utan fullvirðisréttar hlutfallslega milli afurðastöðvanna.
2. Við útreikning verðskerðingar hjá framleiðendum skal reikna með sömu flokkun kindakjöts í dilka- og geldfjárkjöt annars vegar og kjöt í fjórða til sjötta verðflokk hins vegar og gert var við útreikning fullvirðisréttar við framleiðslu sauðfjárafurða sv. reglugerð nr. 339/1986 og uppgjör þeirra í desember 1986.
3. Við uppgjör á verðskerðingu hjá framleiðendum fyrir sauðfjárafurðir á verðlagsárinu 1986/87 skal samhliða taka tillit til framlaga sem Framleiðnisjóður landbúnaðarins hefur greitt til afurðastöðva á verðlagsárinu til að aflétta verðskerðingu hjá framleiðendum og til að auðvelda framleiðendum sauðfjárafurða aðlögun að fullvirðisrétti með fækkun fullorðins fjár.

4. gr.

Hafi sláturleyfishafi selt á innanlandsmarkaði kjöt sem fellur utan verðábyrgðar sv. 1. gr. eða á það í birgðum sem ríkissjóður verðtryggir þegar uppgjör sv. ákvæðum þessarar reglugerðar fer fram, skal hann auk framleiðslugjalds sv. 4. gr. greiða mismun óniðurgreidds heildsölverðs og framleiðslugjalds að frádregnu skilaverði útflutnings og sjóðagjöldum á heildsölustigi þannig:

- A. Verðskerðingarafurðir og afurðir sem Framleiðnisjóður landbúnaðarins léttr verðskerðingu af skal reikna á verði meðalútflutnings verðlagsársins 1986/87.
- B. Afurðir af fé í verðábyrgð Framleiðnisjóðs landbúnaðarins skal reikna á útflutningsverði, annað en slátur, sem reiknast sv. lið A.
- C. Geymslugjald skal greiða til loka verðlagsársins á allt kjöt sem hér um ræðir og vaxtagjald skal greiða til 25. nóvember 1987.

5. gr.

Framleiðsluráð landbúnaðarins annast útreikning gjaldsins eftir ákvæðum reglugerðar þessarar og sv. ákvörðun landbúnaðarráðherra, að fengnum tillögum framkvæmdanefndar búvörusamninga að uppgjöri. Framleiðsluráð annast enn fremur innheimtu gjaldsins, vörslu og reikningshald og reiknar gjald sem hverjum sláturleyfishafa og framleiðanda ber að greiða og tilkynnir viðkomandi sláturleyfishafa um þær greiðslur sem honum ber að inna af hendi vegna uppgjorsins. Sláturleyfishafar skulu hafa lokið skilum á álögðu framleiðslugjaldi til Framleiðsluráðs landbúnaðarins sv. útreikningum þess eigi síðar en í árslok 1987. Framleiðsluráði er heimilt við uppgjör sv. þessari reglugerð að skuldajafna útflutningsbótareikninga við innheimtukröfur vegna framleiðslugjalda hjá sláturleyfishöfum. Reikna skal afurðalánavexti í uppgjöri milli aðila eftir því sem við á til og með 31. desember 1987 og hæstu leyfilegu dráttarvexti á greiðslur frá 1. janúar 1988.

6. gr.

Framleiðsluráð landbúnaðarins endurgreiðir sláturleyfishöfum framleiðslugjaldið í samræmi við útreikninga skv. 5. gr. þannig að hver sláturleyfishafi fái greitt sama hlutfall af heildsöluverði útfluttra sauðfjárafurða á verðlagsárinu 1986/87. Greiðslan fari fram þegar fyrir liggur uppgjör á verðábyrgð ríkisins skv. samningi Stéttarsambands bænda og ríkissjóðs.

7. gr.

Rísi ágreiningur um gjaldskyldu eða önnur atriði skv. reglugerð þessari, sker landbúnaðarráðherra úr þeim ágreiningi.

Reglugerð þessi er sett samkvæmt heimild í lögum nr. 46/1985 um framleiðslu, verðlagningu og sölu á búvörum og öðlast gildi þegar í stað.

Landbúnaðarráðuneytið, 18. desember 1987.

Jón Helgason.

Guðmundur Sigbórsson.

Nr. 617

22. desember 1987

GJALDSKRÁ

fyrir heilbrigðiseftirlit á Suðurlandssvæði fyrir árið 1988.

1. gr.

Gjöld vegna heilbrigðiseftirlits á Suðurlandssvæði, sbr. gjaldskrá nr. 470/1985, verða á árinu 1988 sem hér segir:

Eftirlitsgjöld:	1. flokkur	kr. 6 250,00
	2. flokkur	kr. 12 500,00
	3. flokkur	kr. 23 750,00
	4. flokkur	kr. 40 000,00
Leyfisgjöld:	1. flokkur	kr. 2 400,00
	2. flokkur	kr. 4 800,00
	3. flokkur	kr. 7 200,00
	4. flokkur	kr. 9 600,00
Gjöld fyrir vottorð eru		kr. 825,00

2. gr.

Ofangreind gjaldskrá sveitarfélaga á starfssvæði heilbrigðiseftirlits Suðurlands staðfestist hér með samkvæmt 22. gr. laga nr. 109/1984, um hollustuhætti og heilbrigðiseftirlit.

Heilbrigðis- og tryggingamálaráðuneytið, 22. desember 1987.

F.h.r.

Ingimar Sigurðsson.

Soffía Magnúsdóttir.